



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Origines Benedictinae, Siue Illvstrivm Coenobiorvm Ord.  
S. Benedicti, Nigrorvm Monachorvm, Per Italiam,  
Hispaniam, Galliam, Germaniam, Poloniam, Belgium,  
Britanniam, aliasque Prouincias. Exordia Ac ...**

**Le Mire, Aubert**

**Coloniae Agrippinae, 1614**

Capvt XXIX.

**urn:nbn:de:hbz:466:1-11261**

CAPVT XXIX.  
S. TRVDONIS

*Cænobium Sarchiniense, in opido Trudonopolitano, diœcesis & ditionis Leodicensis.*

**B** Trudo nobilissimis parentibus Vuilboldo & Adela, in Sarchinio apud Hasbanientes natus, post à Clodulfo Metensi Episcopo institutus, Metisque in Hasbaniam reuersus, voto, quod puer vouerat, satisfacturus, in Sarchinio, ad fluuium Cifindriam in sua hereditate, cænobium proprijs expensis fundauit: quod cum ad inhabitandum decenter aptatum, in altum perduxisset, dedicari fecit à sancto Theodardo Traiectensi Episcopo, in honore SS. Quintini & Remigij, anno Domini sexcentesimo quinquagesimo septimo. III. Idus Octobris. *Hæc ex MS. Chronico Trudonensi desumimus.*

*Quiescunt autem hoc in cænobio S. Trudo fundator, S. Eucherius Episcopus Aurelianensis, à Carolo Martello sede sua pulsus, & S. Liber- tus martyr; de quibus consule Molanum in Natalibus Sanctorum Belgij, & Surium.*

S. HVBERTI

*Cænobium Andaginense, in Arduenna.*

**C**œnobij istius condendi auctor fuit S. Berregisus, qui in Sarchiniensi cænobio. à S.

*Trudo-*

*An. 606.*

*An. 657.*

*S. Trudo  
obijt an.  
693.*

Trudone recens exstructo, regularibus discipli-  
nis informatus, locum hunc à Pipino Maiore do-  
mus regia impetrauit. De quo Chronographus  
Trudonensis: Beregisus, inquit ex pago Con-  
drofio ortus, & à parentibus intra monaste-  
rium S. Trudonis, sub habitu religionis, lit-  
terarum studijs & lege diuina imbuendus  
traditus, largiente Pipino Principe eidem la-  
ta prædia, monasterium Andainense in ho-  
nore S. Petri construxit, in quo clericis ordi-  
ne Canonico militantibus, ipse pater in eo-  
dem habitu est sociatus, quod modò S. Hu-  
berti in Arduëna nuncupatur, vbi Vuafo Leo-  
diensis Episcopus, delato eodem \* à Traiecto  
corpore dicti S. Huberti, pro Canonicis re-  
gularibus monachos instituit.

Ex quibus Trudonensis Chronographi verbis  
illud effici videtur, cum apud Sarchinienses, seu  
Trudonenses, tum apud Andaginenses ex primæ-  
ua institutione fuisse non monachos, sed clericos,  
seu Canonicos, vt vocant, regulares. Quod ante  
nos & Ioannes Molanus, vir antiquitatum Ec-  
clesiasticarum, præsertim nostratum, peritissi-  
mus, obseruauit.

Hoc porrò cœnobium S. Huberti nomine  
vulgò innotescit, cuius sacrum corpus ibidem  
piè adseruatur; quod Vuafo seu Vualcandus  
Leodicensis Episcopus, eodem Leodico, anno  
Christi octingentesimo vicesimo quarto, trans-  
tulit.

\* Alij,  
Leodico.

In Natal.  
SS. Belgij  
2. Octob.

Sigeb. in  
Chron.  
an. 824.

## HASNONIUM,

*Vulgò Hasnon, ad scarpum fl. tertio lapide à  
Valentianis Hannonia vrbe.*

*An. 670.*

**C**Oenobium Hasnoniense Ioannes vir  
nobilissimus, illius tractus toparcha seu  
Dominus, & soror eius Eulalia, anno Christi  
sexcentesimo septuagesimo, construxerunt,  
& sanctus Vinditianus Cameracensis & A-  
trebatensis Episcopus II. Kal. Maij, Deo &  
sancto Petro Apostolo dedicauit. Fuit autem  
à prima institutione coenobium sexus vtri-  
usque: Ita Iacobus Guisianus in manuscriptis  
Hannonia Chronicis. De fundatoribus huius cœ-  
nobij exstant versus isti perantiqui.

*Si cupis Hasnonij structores noscere templi,  
Hec metra pertracta, sic succedent tua vota.  
Inclyt a progenies Eulalia, sicque Ioannes,  
Frater hic, illa soror, germani mente fideli,  
Huius presentis statuunt fundamenta templi,  
Tunc humanati Verbi dum voluitur annus,  
Qui sexcentenus quoq; septuagenus habetur.  
Cunctis expletis aduenit Vinditianus,  
Antistes Cameracensis, templumq; dicauit,  
Altithrono Domino, cuius nos lustrat imago,  
Celi clauigero, Doctori gentis amœno.  
Desine mirari hic sexum duplicem famulari.  
Namq; Ioannis & Eulaliæ præclara propago,  
Cœnobium rexit, cetum super æthera vexit.*

*Hic*

*Hic locus enituit rigidi seruator honesti,  
 Usque dies Carli durans cognomine Calui  
 Induperatoris, Regis quoq; Francigenarum.  
 Ipsius & coniux Ermentrudis vocitata,  
 Mundum despexit, regni fastumq; reliquit,  
 Huic domui sese tradens, fit Martha Maria,  
 Otia sectando pia, diuiniq; vacando.  
 Semine Casareo produxerat equiuoc at am  
 Formosam nat am, meritis tamē vniuoc at am,  
 Quam secum nutrijt consortem religionis.  
 Sic spreto mundo tegitur velamine nigro,  
 Moribus ornat a fuit Abbatissa creata,  
 Ast eius genitor post Carolus Induperator,  
 Cœnobij, matris prece, dotes amplificauit.*

*De monasterio isto sic breuiter Chronographus  
 Cameracensis, qui anno salutis 1030. floruit: In  
 vico, quem dicunt Hasnum, Abbatia fuerat  
 regalis olim atque ditissima, vbi ex maxima  
 parte requiescunt corpora SS. Marcellini &  
 Petri. Nunc autem degeneris seculi mori-  
 bus vitiatis, vti nunc clerici pauci deseruiunt,  
 desolatam & inopem condolemus. Fuit au-  
 tem cœnobium istud, vt & cetera Belgica, à Nor-  
 mannis vastatum; quod quidem monachis Bene-  
 dictinis quando sit traditum, Meyerus in Annali-  
 bus Flandriae commemorat:*

*Anno Christi millesimo septuagesimo col-  
 legium Canonorum, apud Hasnonium in  
 Ostrouandia, conuertit Balduinus Flan-  
 driae Comes in benedictinum monasterium.*

Vetus

Vetus reparauit templum, idque ab Episcopis Lietberto Cameracensi, Ratbodone Nouiomensi, Rainero Aurelianensi curauit dedicatum III. Nonas Iunias. Ea in dedicatione interfuisse reperio corpora Sanctorum Marcelli, Piatonis, Saluij, Amati, Donatiani, Vedasti, Amandi, Audomari, Gisleni, Vincentij, Bertini, Vuinoci, Vuandregifili, Bauonis, Euerardi, Euberti, Landelini, Hugonis, Aichadri, Eusebiæ, Rictrudis, Aldegundis, Ragenfredis, Reginæ, & Vualdetrudis.

*Hæc ipsa paullo aliter & fusiùs in Chronico suo Bertinensi narrat Iperius: Balduino Insulano Flandriæ Comiti successit filius eius Balduinus, à puero nutritus in aula Imperatoris Henrici. Hic in adolescentiæ suæ tempore decidit in tantam infirmitatem, vt ei pater in manu candelam teneret, extremum spiritum exspectans. Et ecce subito resumptis viribus, patri suo dixit: Pater ab hac infirmitate euadam, si mihi dare volueris locum de Hanon, vt ibi monasterium ædificare possim. Hæc vera erunt, quia statim hoc mihi sancti Marcellinus & Petrus promiserunt. Pater annuit, & filius sanus effectus est. Subuerso igitur Hanon castro, raptorum latibulo, ædificauit ibidem monasterium Hanonense in honore SS. Apostolorum Petri & Paulli, & SS. Martyrum Marcellini & Petri & propter hoc vocatus est Balduinus Hanonensis. Dicitus est etiam Balduinus Pius, quia totus erat deditus operibus pietatis, viduarum, or-*  
phano-

phanorum, Ecclesiarum, pauperum, & oppressorum amator & defensor præcipuus. Hic adhuc viuente patre duxit uxorem Richildem viduam Hermannii Comitis Montensis, ex qua duos habuit filios, Arnoldum & Balduinum. Regnavit autem solus tribus annis, & obiit anno Domini millesimo septuagesimo, & sepultus fuit in Hanon, quod ipse fundauerat, monasterio. *Hactenus Iperius.*

An. 1070.

## CAPVT XXX.

*Monasterium S. Romani de Hornisgâ, hodie S. Romani de Ornixâ in diœcesi Toletana.*

**F**undauit hoc monasterium ac dotauit Cindasuindus Rex & vxor eius Reciberga, Era 684. in honorem S. Romani monachi circa opidum de Toro. Agit de hoc monasterio S. Ildefonsus, & S. Isidorus in chronico his verbis. *Cindasuinthus regnavit annos mitis, gloriosus vel insignis, orthodoxus, & verè pius, hic à Deo habuit regnum anno V. Imperij sui Toletum Era de LXXXIII. Memoratus itaque Rex Gothorum regnavit annos VI. menses IX. dies XI. Extra Toletum pace obiit, in monasterioq; S. Romani de Hornisgâ secus fluvium Dorij quod ipse à fundamento edificavit, intus Ecclesiam ipsam in cornuto per quatuor partes, monumento magno sepultus fuit. Est hodie Prioratus annexus monasterio Regio Vallisole.*

684.

K

tano